



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTA 0022485 22
Sarajevo, 13.03.2023. godine

Na temelju člana 35. stav 2. tačka e), te člana 216. stav 3. Zakona o kaznenom postupku Bosne i Hercegovine, donosim:

N A R E D B U
O NEPROVOĐENJU ISTRAGE

U vezi kaznene prijave, koju je Tužiteljstvo Bosne i Hercegovine zaprimilo dana 12.07.2022. godine, putem e-maila sa e-mail adrese: [REDACTED], podnesenu zbog počinjenja kaznenog djela Izazivanje nacionalne, rasne i vjerske mržnje, razdora i netrpeljivosti iz člana 145a, stav 6. Kaznenog zakona Bosne i Hercegovine, i kaznene prijave zaprimljene dana [REDACTED] godine, putem e-maila sa e-mail adrese: [REDACTED], podnesenu protiv [REDACTED] zbog počinjenja kaznenog djela Izazivanje nacionalne, rasne i vjerske mržnje, razdora i netrpeljivosti iz člana 145a. stav 3. Kaznenog zakona Bosne i Hercegovine, donesena je Naredba o neprovođenju istrage iz razloga što prijavljeno djelo nije kazneno djelo.

O B R A Z L O Ž E N J E

Tužiteljstvo Bosne i Hercegovine zaprimilo je dana 12.07.2022. godine, putem e-maila sa e-mail adrese: [REDACTED], kaznenu prijavu zbog počinjenja kaznenog djela Izazivanje nacionalne, rasne i vjerske mržnje, razdora i netrpeljivosti iz člana 145a. stav 6., u kojoj su kao prilog dostavljene screenshot fotografije članka objavljenog na portalu [REDACTED], pod naslovom „[REDACTED]“: „Na 27. godišnjicu obilježavanja genocida u Srebrenici samo nekoliko kilometara od Memorijalnog centra Potočari gdje je danas ukopano još 50 žrtava, održana je projekcija sramotnog filma o „oslobađanju Srebrenice“ u kojem se pojavljuje i nekadašnji komandant Glavnog Štaba Vojske Republike Srpske i presuđeni ratni zločinac Ratko Mladić. [REDACTED], ranije je za [REDACTED] kako će u filmu biti prikazana svjedočenja onih koji su učestvovali u onome „Ja sam rekao i stojim iz toga. Što je god [REDACTED] za Bošnjake, to je za mene general mladić i to je jasna priča. Ko se boji toga da kaže, on ne misli dobro svom narodu. Mislim da je tako i ne može mi niko istjerati iz srca to, a to da li je zločinac, za neke jeste, za neke nije. Heroj je [REDACTED] za ogromnu većinu Bošnjaka, a Mladić je historijska

ličnost koji je tri klase veći i bolji od [REDACTED] kao čovjek i kao borac“, kazao je [REDACTED].“

Dana 05.12.2022. godine, Tužiteljstvo Bosne i Hercegovine je sa iste e-mail adrese: [REDACTED], zaprimilo kaznenu prijavu podnesenu protiv [REDACTED], zbog počinjenja kaznenog djela Izazivanje nacionalne, rasne i vjerske mržnje, razdora i netrpeljivosti iz člana 145a. stav 3. Kaznenog zakona Bosne i Hercegovine, u kojoj se navodi da je [REDACTED] prilikom gostovanja u [REDACTED], kolektivne ukope žrtava genocida u Srebrenici nazvao „Potočarskim igrokazom“, te izjavio da „u Potočarima svake godine postoji „Festival šovinizma“ i „Festival razvijanja mržnje prema srpskom narodu“, a koje izjave su, prema navodima podnosioca prijave, usmjerene nesrpskom stanovništvu Bosne i Hercegovine, odnosno svim stanovnicima koji su direktno ili indirektno žrtve počinjenog genocida u Srebrenici i koje bi mogle potaknuti na nasilje ili mržnju, čime bi bili ispunjeni elementi kaznenog djela Izazivanje nacionalne, rasne i vjerske mržnje, razdora i netrpeljivosti iz člana 145a. stav 3. Kaznenog zakona Bosne i Hercegovine.

Analizom spisa predmeta, kao i sadržaja zaprimljene prijave [REDACTED], ne proizilazi da je počinjeno kazneno djelo Izazivanje nacionalne, rasne i vjerske mržnje, razdora i netrpeljivosti iz člana 145a. stav 6. Kaznenog zakona Bosne i Hercegovine, obzirom da radnje opisane u predmetnoj kaznenoj prijavi nisu inkriminisane u biću kaznenog djela Izazivanje nacionalne, rasne i vjerske mržnje, razdora i netrpeljivosti iz člana 145a. stav 6., koji glasi: „Ko dodijeli priznanje, nagradu, spomenicu, bilo kakav podsjetnik ili bilo kakvu privilegiju ili slično licu osuđenom pravosnažnom presudom za genocid, zločin protiv čovječnosti ili ratni zločin, ili imenuje javni objekat kao što je ulica, trg, park, most, institucija, ustanova, opština ili grad, naselje i naseljeno mjesto, ili slično, ili registruje naziv po ili prema licu osuđenom pravosnažnom presudom za genocid, zločin protiv čovječnosti ili ratni zločin, ili na bilo koji način veliča lice osuđeno pravosnažnom presudom za genocid, zločin protiv čovječnosti ili ratni zločin, kazniće se kaznom zatvora od najmanje tri godine.“

Također, analizom spisa predmeta, kao i sadržaja zaprimljene prijave [REDACTED], ne proizilazi da je prijavljeno lice počinilo kazneno djelo Izazivanje nacionalne, rasne i vjerske mržnje, razdora i netrpeljivosti iz člana 145a. stav 3., obzirom da izjavljeni komentari prijavljenog lica ne potiču na nasilje ili mržnju usmjerenu protiv grupe lica ili člana grupe određene s obzirom na rasu, boju kože, vjeroispovijest, porijeklo ili nacionalnu ili etničku pripadnost, te je stoga, u smislu odredbe člana 216. stav 3. Zakona o kaznenom postupku Bosne i Hercegovine, donesena Naredba o neprovođenju istrage.

TUŽITELJSTVO/TUŽILAŠTVO BiH
TUŽITELJ